

بومکمل تشبیهی ناصیل تقدیر اتمه یلم ، که نه قادر عاطل ،
ایشیز زوالیلر فعالیتیه ، کندیلرندن استفاده ایندیله بیله جک
برحاله سوق ایدیلورلر . آرتق طاوور اماملرینک دارالمعلمین
ابتدائی قسمندن مآذون اولانلر درجه سنده حائر معلومات
اولارلی شرطدر . یعنی خوجه آفندیلره آ کلاتیلق ایستنیورکه
برازده دنیا ایله علاقه دار اولارلی . دینداشلرینی برازده دنیا
ایچون حاضرلامارلی لازمدر . بوتشیت ، موقع فعله ایصال ایدیلدیکی
گبی . پک فیاض اثرلر براقاجقدر . شیمدی ، پک کثیر اولان
اوقوبوب یازمادن محروم زواللی اماملره آرتق تصادفاتمه جکیز .
صوگرا نام برجهل ایچنده کلن افراد ، مملکتته عودت ایتدیکی
زمان کوینده ، چیفتلککنده ، تاراسنده کندیسنه لازم اولان
معلومات ابتدائیه بی حائر بولونه جق .

بوسیط تحصیل ایله نفرلر ، ساده براسان ایله یازیلش
کتابلری . غزته لری پک اعلا آگلارلر . صوگرا آرتق
محورلریز . غزته جیلر عزمده بویه ابتدائی تحصیل گوره ییلنلری
دوشونمه لی ، اولرک آ کلایه بیله جکی برطرزده یازمالیدر .
مع مافییه ، محورلرک ، بالخاصه یومی غزته جیلرک منفعتلری ،
اونلری خلقک آ کلا بیله جکی ساده براسان ایله یازی یازمایه
سوق ایدیه جکدر ، ظنننهم . بو آیری مسئله ..
حربیه نظارتک منفصل حرفلری قبول ایتدکدن صوگرا
طاوور اماملرینی افرادده درس تعلیم ایتکله موظف اتمه سی کمال
شکران ایله قیدی لازم خدماتنددر . بوندن دولای حربیه
نظارتی تبریک ایتکله بورجلیز .

سرور صریح

دوره

۱۶

محوری : گوته

۱۶ مارت

آرتق هر شیء علیهمده اتفاق ایدیور . بو کون
مسیره ده مادمازل دو (ب ...) ه راست کلدیم . کندیسنه
آشنالق ایتدم ، قونوشدق . براز جامعتدن اوزاق
دوشدیکمز زمان او کونکی حرکت غریبه و فوق العاده سنه
قارشیه نه قادر متحسس و متأثر اولدیغی سویله یوب
سرزنشده بولنمقدن کندیمی منع ایدمه دم . « حرارت
ومراتله » ورتز ! دیدی ، خالده کی تبدله عجبا قلبی
طانیهرقی معنا ویردیکز ؟ سالونه کیروبده سزی کوردیکم

دقیقه دن اعتباراً بیلسه کز سزک حسابکزه نه قدر اضطراب
چکدم ! بویه اوله جغنی بیلوردیم ؛ قاچ کره لر سزه
سویلیکه نیت ایتدم . بلکه یوز کره بو نیتله دوداقلرم
قیرداندی . (س ... لر و) (ت ...) لرک سزکله هم
مجلس اولمقدنسه مجلسی ترک ایدوب کیتمه یی اولابوله جقلرینی
وقوتکده اونلرله بوزوشمغه جسارت ایدمه جکینی پک
اعلا بیلوردیم ؛ شمدی ایسه بوولوله جهانی طوتدی !
« آمان ، مادمازل ! .. » دیدم ؛ بلا اختیار اغزمدن بویه بر
صیحه چیقدی ؛ در حال کندمی طویلادم و تأثر ایمی کتمه
چالیشدم . اولیسی کون آدلک سویلیدیکی سوزلرده شیمدی
قایناز صوکی دامارلرمده قوشیوردی . کوزلری طولهرق
بولطیف مخلوقه : « آه ، بیلسه کز بنده نه قادر اونوزولدم ! »
دیدی و بونکله برحق بیلیدیکی شیلر اولدیغی ایما ایتدی .
آرتق بن کندیمه صاحب دکلم ، همان آیاقلرینه قبانه جغم
کلدی « رجا ایدرم ، ایضاح ایدیکز » دیدم . رایکی داملا
یاش یناقلرینه طوغری یووارلانیوردی ، بندن کیزله مک
ایسته مه یه رک اونلری سیلیدی ؛ صوگرا دیدی که : « خالام ! .
خالامی بیلیرسکز دکلکی ؟ . ایشته اوده اوراده ایدی .
ماجرائی تماماً کورمش . آه اوگوزله گوده جکنه کشکی
گورمز اولایدی ! سزکله ای کوروشدیکمز ایچون
دوندنبری ایشته دیکم قالدی . بنی معاتب ایتشلر ، برشی
دکل .. فقط حقکزده سویله نن سوزلری ایشیدوبده
سزی پک آز مدافعه یه جسارت ایدیه بیله جک بر موقعده
بولونشم بنی پک متالم ایتدی . بولا قیردیلرک هر بری بنم
قلبه برخنجر صاپلیوردی . آه ، زواللی قیز ، بیلمیوردی .
بونلری بندن کتم ایتک حقمده نه بیوک بر اثر مرحمت
اوله جغنی هیچ فرق ایتمیوردی . بوایشه دائر حقمده
نه سویلندی ، هپسی آگلاندی ؛ بن کیزلی ایمشم هر کسه
استخفافکارانه معاملهرده بولونورمشم .. اسکی مؤاخذه لر !
شیمدی بو سلسله تأدیب ایله ارتق بورونم قیریلالی !
او آچاقلر بوظفر ترانه لرینی هر برده عیوقه چیقارمشلر !
رقتی برصدا ایله بوتون بوسوزلری اونک اغزندن

ایدرم . بونلرک جوانی شیمدی یه قادار مخصوص یازمدم . سرایدن مآذونیتمه دائر امر بکله دیکم ایچون والدۀنک نظارته مراجعت ایدۀرک ایشیمی بوزماسدن قور- قیوردم . شیمدی ارتق جواب کلدی . بواندیشه یه محل قالمادی . استغافی ناصل استکراه ایله قبول ایتدکلرینی وناظرک بکا یازدینی شیلری سزه تکرار ایتمکده برفاثده کورهم : تأسفلر ایچنده یومروغکزی صیقه جفکزی بیلورم . ولی عهد حضر تلری حسن خدمته مکافاة بکا یکرمی بش دوقا عطیه کوندرمش ؛ یاننده او یله برپوصله ترفیق ایتیش که تأثرمدن کوزلرم یاشاردی . بوحالده صوک مکتوبمده والدۀمدن ایسته دیکم پاره یه احتیاج قالمادی دیمکدر .

❦

۳ مایس

یارین حرکت ایدیورم ؛ طوغدینم یر کیده جکم یولدن انجق آلتی فرسخ اوزاقدرد . اوراسنی ده کیدوب زیارت ایتک ورؤیا کبی بلیرسز برخیالدن بشقه برخاطره بیراقایان اسکی کونلریمی حافظه مده جانلاندیرمقی ایسته رم . بابامک وفاقی اوزرینه آنهم بومعزز یرلری ترک ایدۀرک سزک اوصیقینتیلی شهرلرکزده اقامته یغنی حبس اولغه قرار ویردیکی زمان آرابه نک ایچنده بنی یاننه آلوبده هانکی قبودن چیقیدسه شیمدی بنده اوقپودن کیرمک ایستیورم . آدیو، ویلهلم : سیاحتمه دائر سکاتفصیلات ویریرم .

❦

۹ مایس

عالمده هیچ برحاجی ارض مقدسی زیارت ایدرکن بنم بوراده - ولادتمی کورن بویرلرده - بغته حس ایتدیکم حرمت وخشوعی حس ایتهمش ، بندن زیاده متحسس اولمامشدر . شهره برچاریک مسافده بیوک بر اخلامور اغاجنک سایه سنده آرابه دن ایندم ؛ آرابه جییه یاواش یاواش اوکدن کیتهمسنی تنیه ایدۀرک کندم یایا یوریمکه باشلادم : هر دقیقه یکی برلوحه ماضینایه تصادف

ایشیتمک ! ویلهلم . بوک آجی برشیدی ! بن ارتق دوشمش . یرلره وورولمش ایدم ؛ حالاقلمده بوخاطره یه عائد برغیض عقور وارآه ! دییورم ، بریسی عقلی یلکن ایتسه ده بکا اوفاجق برحقارتده بولونسه .. بنده مه چی کوکسندن صاپایله رق آرقه سندن چیقارسهم ! .. براز کوزم قان کورسه ، صانیرم ، ایچم راحت ایدر . اوح ! بلکه یوزدفعه ییچاغی الیه آله رق - شیشدکجه کوکسمه صیغیان - بوقلبی طوردرمقی ایسته دم ! جنس فرسک اصیل برنسلندن بحث ایدۀرک دیرلرکه بونلر چاتلایه جق درجه ده قوشوبده دومانلر وکوپوکلر ایچنده قالینجه سوق طبعیلرینه تبعاً دیشلریله دامارلرندن برینی آچه رق بوصورتله راحت نفس آلیرلرمش . بنده اکثریا کنیدی عینی حالده ، بولیورم وحریت ابدیه یه نائل اولق ایچین شریانلرمدن برینی آجق ایسته یورم .

❦

۲۴ مارت

مأموریتدن استعفا ایتدم . ظن ایدۀرم قبول اولوناقدرد . اولاً سزک موافقتکزی استحصال ایتدیکم ایچون عفویکزی دیلرم . کیتهم لازمدی . حال بوکه سزک بیک دره دن صو کتیره رک قالمق ایچون بنی اقلعه چالیشه جفکزی بیلوردم . شیمدی والدۀمی تأمین ایچون حای یالدرلامه نک برچاره سنه باقک ! بن کندی کنیدی نمون ایدۀمیورم . بوحالده کنیدسنی نمون ایدۀمزمسم بنی معذور کورسون . زه یه کیده جکمی البت مراق ایدرسکز : بوراده برنس دو .. اسمنده برذات واردر . بنم محبتمدن خوشلانیر عزیمت تصورنده اولدینمی آگلاینجه ایلک بهارک برلکده کچیرمک اوزره بنی مالکانه سنه دعوت ایتدی . اوراده تماماً سربست اوله جیم ، بونی شیمیدین تعهد ایتدی ؛ ذاتاً بربریمزی بر درجه یه قدر آگلادیغمز ایچون ، اونکله برابر طالعمی قووالامایه کیدیورم .

❦

۱۹ نیسان

بربرینی متعاقب ایکی مکتوبکی آلدیم ، تشکر

ایدر، هر تصادفده طاتلی بر خاطرۀ صباوتک نوازشنی
 حس ایدردم. چو جقلغمده سیرانلر مک غایه وحدودی
 تشکیل ایدن براخلا مورك آلتندۀ طوردم. نه بیوک بر
 تبدل! اوزمان معصوم بر جهالت، مسعود بر غفلت ایچنده
 - پرشوق و هوس - بوعاله... بوعالم مجهوله آتیلحق
 ایستر، اوراده کوکلمی شوق وشفقله طولودوره جق
 نیجه بیک ذوق حقیقی بولاجغمی امید ایدردم. شیمدی
 ایسه اوعلدن عودت ایدیوردم. آه، دوست! نه بوشه
 چیقمش امیدلر، نه یقلمش پلانلر!... کچوکلکمدۀ
 مشتاق نظرلرمله تماشاسنه طویامدیغ صیرا صیرا طاغیر
 ینۀ اویله کوزیمک اوکنده اوزانوب کیدیوردی. اوزمانلر
 ساعتارجه بر قیانک اوستندۀ اوطورر، مدید بر سیاحت
 فکریه یه طالاردم، توللر ایچنده بکا اوزاقدن گولن
 سیسلی وادیلره، اوبرچین اورمانلر ایچنده روح،
 - مست و مستغرق - غائب اولوردی. ونهایت اورادن
 آیریلحق لازم کلنجه آیری آیری هر نقطه نظرمدن
 علاقه بصریه می کسمک ایچون نه قدر کوچلک جکردم!..
 بوصورتله یاواش یاواش کویه یاقلاشدم: کوردیکم بفعجه لره
 کوچوک نه ولره برر سلام آشنا یوللادم.

یکیلری هیچ خوشمه کیتمدی؛ هرشی بکا فنا
 کلیوردی. نهایت کوک قوسنه واصل اولدم: اوزمان
 تماماً اسکی بنلکمی بولدم. اوطوره جقم اوطه یی بزم اسکی
 نهوک بولندینی میدانده طومتغه قرار ویرمشیدم. اورایه
 واردیغ زمان باقدم که اختیار بر قادینک بزی باشنه طوپلایه رق
 درس اوقوتیور. اوقوتدینی بر مکتبلکدن چیقمش بقال دکانی
 اولمش. اویون دوشمانی اولان بویرده دوکدیکم کوزیاشارینی
 چکدیکم زحمتلری، ایچ صیقتیلرینی هپ درخاطر ایتدم.
 صوکره ینۀ یورویور وهر خطومه مدۀ دورۀ سعادتک یکی
 بریادکارینی بولیوردم، اورادن ایرماق بویونجه اینمکه
 باشلادم، ایندم، ایندم.. تا کچوک بر جفتلک واردر،
 اورایه قدر ایندم، اولدندۀ ایکیده برده بورایه کلیر
 ایرماغک ساکت صولری اوزرنده طاش سگیرتیردک.

شیمدی ایجه درخاطر ایتمکه باشلادم: بعض کره
 طوروب صولرک آقینتیسنه ناصل دالیدیغی،
 ساحلرک اعوجاجاتنه کوره ایرماغک نه غریب بحرالر
 آلدیغی، آفاق مجهوله دن کلیرکن اونک نه حیرتفرسا
 منطقه لردن کچدیکی حقنده کی تخیلاتمی هپ خاطرلادم.
 خیالاً بو مجرایه قولایجه بر حدود تعیین ایتدیکم حالده
 اوراده توقف ایدم مدیکندن دائماً ذهنمده اوزالدیجه
 اوزالیر واک صوکره نهایتسز اوزاقلقلرک آفاق دورادوری
 ایچنده کنیدیغی غیب ایدردم!.. کوریورمیسک عزیزم؟
 ایشته بزم اجداد مزده بوندن ده اوتنه سنی بیلمز لردی:
 اونلرده بوظفلا نه حسک حدودی ایچنده قالمش لردی.
 مع مافیه اوساده دللک ایچنده ینۀ بعضاً عقله طورغونلق
 ویره جک بیوکلکلر کورولوردی. (اویس) ک پایانسز
 دگزلردن، نهایتسز یرلردن بحث ایتمه سی بوکون ارضک
 کرویقتی بیلمکه کسندینی قنک معجزه سی کی تلق ایدن
 بر مکتبلی یه نظراً ذوق سلیمه دهامقارن، بشریتک
 عجزیله کچوکلکیله دهامتناسب، حاصلی دهامسرا آمیزه
 دکلیدر؟ ارض... اوجی بو جانی بولنمیان بو وسعتلر
 ایچنده انسانه لازم اولان نه در؟ حیاتی ادامه ایتک ایچون
 سفیل بر طوپراق، صوکره ده وجودینی مؤبداً دیکلندیرمک
 ایچون دهام سفیل بر خفزه دن عبارت دکلکی؟

شیمدی برنسک صیفیه سنده بونیورم. باری بو آدمه
 خوشجه بروقت کچیره بیلسم! کندیسی جدی وساده در؛
 فقط اطرافه اویله اشخاص غریبه طوپلانمش که آکلامیورم.
 بونلرده طولاندیریجی چهره سی یوقسه ده کندی حالده
 ناموسلی آدم صورتی ده مفقوددر. بکا قارشی گیرگینلک
 کوسته ریورلر اما، بن اونلره امنیت ایده میورم..

برده برنس نیم قلمدن زیاده فکرمی وهنرمی بکه نیور.
 حال بوکه نیم افتخار ایتدیکم برهنرتیم وارسه اوده قلبه
 عاتدر. بو قلب دکلیدر که، هر قرتک، هر سعادتک،
 هر فلاکتک حاصلی هر شینک منبعیدر. آه! نیم بیلدیکمی
 هر کس بیله بیلیر؛ فقط قلم یالکز بنمدر.

۲۵ مایس

بر قصورم واردی ، بونی ایجه قسامه قویمیشیم ،
سزدهده ایش اولوب بیتدکن صوکره خبر ویره جکدم .
فقط مادام که آرتق صرف نظر ایتدم ، شیمدی سویلیه بیلیرم :
بن محاربه یه کیده جکدم . بو فکر پک چوق زمانلر بنی
اشغال ایتدی . ذاتاً میزبانم اولان پرنسی تعقیباً بورالر
قدر کلمه ده هپ بومقصده مبنی ایدی ، چونمکه کنديسی
روس اردوسنده جنالدر . بر کون برلکده کز رکن
فصوری اواکا آچدم ؛ اوزون اوزون محاکمه لرله بنی
واز کیردی ؛ اصرار ایتمک هوسمدن زیاده عنادیمه دلالت
ایده جکی ایچون بنده واز کچدم .

❧

۱۴ حزیران

نه دیرسه ک دی ! بن بورادهدها زیاده اوطوره میه جغم .
بوراده اوطوروب نه یاپاجغم ؟ جانم صیقیلور . واقعا پرنس
بکا عاداتا اقرا ن معامله سی یاپور . بوجهت اعلا ! نه یایه یم که
راحتم یرنده دکل ؛ بوندن بشقه اساساً باقیلیرسه آرامزده
برجهت اشتراکده کوره میورم . پرنس فکری ، فقط
بیانغی فکری بر آدمدر . کوزل یازیلش بر کتابی اوقورکن
نه قدر تملذ اولور سه م اونک محبتندن بوندن زیاده
ذوقیاب اولامام ؛ بوراده برهفته قدر دها قالدقن صوکره
ینه سرسریانه جولانلریمه قویولا جغم .

❧

۱۸ تموز

نه طرفه کیده جکمی سکا محرمانه سویلرم . شیمدیلک
بوراده یم . اون بش کون دها قالمغه مجبور اولدم . کندي
کنديمه ... معدنلرینی کورمک آرزوسنده بولنديغمی
تأئینه جالیشیوردم . فقط اصل مقصد ، سوز آره هنزده
بودکل ، آنجق شارلوت ههم جوار اولمقدر ، ایشه بوقادر .
زواللی قلبمک بو حیللرینه گولیور . وگوله رک
هرایسته دیکنی یاییورم .

خیر ، پک اعلا ولمش ؛ بوعالمده هرشی تفوق ایده نکدر !
بن ، اونک زوجی اولمق ! آمان یارب ! .. ای بنی یارادان

اللهم ! شوسعادتی بکا ویرمش اولایدک بوتون حیاتم دائمی
بر رستشدن عبارت اولیه جقمیدی ! اراده ازلیه که قارشی
سوز سویله مک ایسته م . عفوایت .. شو کوز یاشلریمی ،
شونافله امللریمی باغیشلا .. ! اوت بنم زوجهم اولمق ! ..
شو سهارک آلتنده ، اک گزیده ، اک لطیف بر مخلوقکی
قوللریمک آره سندده صیقه بیلسه یدم ! .. ویله لم ، اینانیر-
میسک ، آلبر بوقامت موزونی صاردینی زمان نیم تکمیل
وجودمدن بر برق آتشین کیور .

بونکه برابر .. عجباسویله می ؟ نیچون سویلیه جکم ؟
اوت بونکه برابر ، ویله لم ، اوبکا قسمت اولایدی ده
زیاده بختیار اولوردی ! اوح ! آلبر ، اوقلبک بتون
احتیاجاتی طولدیره جق بر آدم دکدر . بر قصوری وار ..
فقدانی حس ، فقدانی ... ارتق ایسته دیکک کبی یور !
حاصلی آلبرده بر قیصه کوریورم ؛ کوزل بر کتاب
اوقویورکن یوره کی اوینامیور ، حال بو که بنم قلبمه
شارتولک قلبی قارشی قارشی یه قونمش ایکی آینه کبی
تقابل ایدر ... بوندن بشقه دها بیک درلو شیلرده بروقه
اوزرینه حیاتیتری ترجمه لازم کلسه هپ بومباینیت ظاهر
اولیور . مع مافیه زوجهنی روحنک اولانجه قابلیتیه
سویور ؛ بو حالده کنديسی ده بویله بر عشقه مالک اولمازمی ؟ ..
معجزک بری کلدی ده بنی ایشیمدن آلیقوییدی .
یاشلرم کوزلرمده قوروددی ، سوزیمی کسمکه مجبور
اولدم ؛ شیمدی ده ذهنم طاغیلدی . آدیو ، عزیز
دوستم .

❧

حالتدن شکایتیه حق قازانمش یالکز بن دکلم . هر کس
بر انکسار خیاله اوغرامش ، امید بوشه جیقمشدر .
بر زمانلر اخلامورلرک آلتنده دوست اولدیغمز اوصافدل
قادینی دونینه کورددم . بیولک اوغلی بکا طوغری قوشارکن
مسرتلی بر چیغلق قوپاره رق والدن سنی ده جلب ایتمش
اولدی ، ماتمی بر رنک فتور ییچاره نی طانیمه جق حاله
کتریمش . بنی کورنجه ایلک سوزی شو اولدی : « آه ،

باشلادی . جوارده کی اغاچلرک یاپراقلری دوشمش ،
 بنمده اوراقم صاراروب صولیور . هانیا بر زمانلر سکا
 خانغی سون کنج بر کویلودن بحث ایتیشیم ؟ بو سفر
 والهیمده ینه اونی صوردم . یالکز بولوندیغی نه ودن
 قوغولدیغی خبر آلابیلدم ، هیچ کیمسه دها زیاده معلومات
 ویرمدی . دون بشقه بر کویک یولنده کندیسنه نصلسه
 تصادف ایتدم . قونوشدق . سرگذشتی بکا آکلادی ؛
 نه درجه یه قدر متأثر اولدیغی سکا شیمدی حکایه سنی
 تکرار ایدرسم آکلارسک .

دلیقانی اولانیم سؤاللرله حجاب ایله مختلج درین
 بر یأس ایله جواب ویریوردی . صوکره آچیلدی .
 هم حال اولدیغیزی آکلامشدی . سبب فلاکتی اولان
 صوچنی اعتراف ایتدی . نه اولوردی سوزلرینک هر برینی
 سکا عینله نقل ایده بیلسمه یدم ! اوت اعتراف ایتدی ،
 بو خاطره نك آنجاق یادیه مسعود اوله رق ماجرای عشقی
 لذتله آکلایوردی : افاده سنه کوره چقتلک صاحبه سی
 حقنمه کی محبتی کوندن کونه آرتمش ، بر درجه یه کلش که
 آرتق نه یادیغی ، نه ییاجغی - کندی تعبیرنجه - نریمه
 باش اورده جغی ییلمز اولمش . یمکدن ، ایچمکدن کیلشم ؛
 اویقو اویویاماز اولمش .. عادتاً بو عشق اونی بو غیورمش .
 یاپیلمایه جق شیرای یاپار ، کندیسنه تنیه اولنان ایشلری
 اونو تورمش : بر پری نك ید ضبطنه یکمش کی اولمش .
 نهایت بر کون خانمی ذخیره انبارلرندن برینه چیقمش ،
 بوده اونی تعقیب ایتمش ، دها طوغریسی اونک جاذبه سنه
 قاپیلهرق سوروکلنمش . قادی بونک رجالرینه نیازلرینه
 قولاق آصمادیغی ایچون بوده اونی جبراً قوللرینک
 آره سنده صارمق ایسته مش . نصل اولوبده بو درجه یه
 کلدیکنی کندیسیده آکلایور .

افندیچکم ، بیلسه کز ، باشیمه نه کلدی .. هیات ! کچوک
 ژانم تولدی ! « ژان ! خاطریه کلدی ؛ چوجقلرینت
 الک کچوکی ایدی . هیچ برشی سوبلیه مدم . صوکره
 دیدی که : ارککم اسویچرمدن کلدی ، فقط هیچ برشی
 کتیره مدی . حتی بعض خیر صاحبلری اولسه دیلنمه که
 مجبور اولاجقدی : یولده کلیرکن صیتمه یه ده طوتش . »
 بن ینه مقام تسلیده برسوز سوبلیه مدم ؛ یالکز یانمده کی
 کچوکه برشی ویردم . قادی سبتدن برقاج الما آملقغی
 رجا ایتدی ، آلم ، و آجی بر خاطره اولان بویری
 ترک ایتدم .

✱

ال چابوقلنی کبی بعضا هرشی بنمله برابر دکیشیور .
 جانلی بر شعاع یکیدن یو کسله رک نوشین لمه لریله بی تنویره ،
 فقط هیات ! آنجاق بر آن ایچین تنویره یلته نیور . بویله
 محرمانه خولایلر ایچنده کندیمی غیب ایتدیکم زمانلر شونی
 دوشونمکدن کندیمی منع ایده م : مثلاً ! اولابیلیر ایدیرم .
 آلبر تولیورسه ! اوزمان سن .. نهوت ، اوزمان او ،
 کیمک اولور ؟ ... بوفسونکار خیالی تعقیب ایده رک
 کیدوب کیدوبده نهایت کوزیمک اوکنده مخوف بر
 اوچوروم آچیلدیغی کورنجه لرزه لرله توقف ایدر ،
 دهشتله گه ریله رم .

✱

آکلایورم ، بعض کره بر بشقه سنک اونی نصل
 اولوبده سودیکنه ، نصل اولوبده سومکه جسارت ایتدیکنه
 عقل ایردیره میورم ، بن اونی مجرد اونی سورکن ، اونی
 بویله استعراقله ، بو قدر مشوعانه بو قدر درین بر محبتله
 سورکن ؛ یالکز اونی بیلیر ، اونی دوشونور ، اوندن
 بشقه هیچ برشی کوزم کورمزکن ، نصل اولیورده
 بر بشقه سی ...

✱

ه ایلول

تمام ، ایسته بویله اولمالی : طبیعت ناصل خزانه
 دوندیسسه اخزانده بنم ایچمده ، بنم اطرافده اوایه

مترجمی : علی کامی

(مابعدی وار)

فوائد

مطبعة خیریه و شرکاسی

